

nensi anno 1105 idem Norgaudus domino Hugoni Cluniaci abbatii pro monasterio B. Magdalena de Quadrella confirmavit ejusdem pagi ecclesias, de quibus Leotbaldus Digionensis item movebat. An. 1107 scripto diplomate significat Hugonem et Saticherium, ac Airardum fratres de Marchia, plurima apud Aluziam, S. Marcelli cœnobio concessisse. Subscribunt Jothalitus decanus, Gauceranus cantor, etc. Eodem anno nominatur arbiter cum Luggeduensi metropolitano dissidii inter canonicos S. Vincentii, et cathedralis D. Petri Matisconensis. Anno Dominicæ Incarnat. 1111 Walterius Cabilon. episcopus et Jarento Divionensis abbas societatem sic inter se inierunt, ut cum brevis de canonico Cabilonensi venerit Divionem, vel de monacho Divisionensi venerit Cabilonum, statim pro eo fiat plenarium officium mortuorum, hoc est vigilia et missa, et eo die habeat præbendam... Fiat (insuper) in hebdomada post Dom'nicam media Quadragesima apud utrosque pro utrisque genera'le officium et missa. Concessit præterea presfatus W. episcopus abbatii J. et omnibus successoribus ejus unam canonicalem præbendam integrum et cottidianam in ecclesia S. Vincentii, quam idem abbas concessit monacho Divisionensi apud S. Mariam commanenti; et ut monachus idem apud S. Vincentium septimanam faciat, et Divisionensis ecclesia, elemosynæ hujus causa, Cabilonensi ecclesiæ et corporaliter et spiritualiter pro posse servitium impendat. .

Bernardi in Novum Monasterium adventu, ac virtutum exemplo, in tantum aucta est Cisterciensis familia, ut de novo condendo monasterio cogitaverit

A Stephanus abbas : Walterius diœcœsanus ep: ex quo consilii conscius, simul cum eo diœcesim suam perlustravit; occurrit silvaticus locus ad Gronam fluvium, ibique anno 1113 fundatur cœnobium, ejusque ecclesia in honorem Dei genitricis Mariae a Galtero, præsentibus Joceranno Lingon. præsule, et Gaudericu ac Guillemo comitibus, dedicatur xv Kalendas Junias. Novo cœnobia inditum est Firmatatis nomen, quod tunc primum firmatum et stabilitum esse coperit Cisterciense institutum. Cha: tam hanc in gratiam S. Marcelli scripsit anno sequenti : « Ego Dei gratia Walterius Cabilon. episcopus prælatorum meorum veniam et divinæ pietatis misericordiam desiderans, concedo Deo..... ad locum S. Marcelli Cabilon. ecclesiam de Boens, cum omnibus ad eam pertinentibus.... Factum est in Cabilonensi civitate in capitulo canonicorum, viii Kal. Octobr. anno ab Incarnat. 1114. » Synodo Trenorchiensi intersuit 1115. Concessit canonicis Sancti Stephani Divisionensis, anno 1117, ut affirmat D. Fiot, ecclesiam S. Martini, quæ sita est in loco qui vulgo Arcus nuncupatur. Refert et Perardus ejus chartam, sed nulla temporis nota insignitam, qua iisdem canonicis ecclesiam de Bassiaco, quam jam dederant Acardus et Roelenus ipsius antecessores, confirmat et de novo concedit, cum decimis et oblationibus ac etiam cum universis appenditiis suis, serratio tamen syndicali sibi reservato, etc. Non videatur ante annum 1120 aut finem 1121 diem extemum clausisse, siquidem Jotsaldus, quem in episcopatus successorem habuit, ex epist. Callixti II, adhuc decanus erat.

## FORMA ELECTIONIS WALTERII.

(*Gall. Christ. nov., IV Instrum., p. 231.*)

Auctor nostræ redēptionis, Unigenitus altissimi Patris, sibi, nimurum ante totius ævi principium, coeternus et consubstantialis, cum jam plenitudine temporis adveniente, de cœlorum supernis descendens, hominem induisset in terris, servata in assumptione homine majestate divinitatis; expletis tandem omnibus, quæ de ipsius susceptura temporaliter humanitate, nobilissimi antiquæ legis præcōnes veridicis prædixerant vaticiniis, protinus sacro-sanctæ status Ecclesiæ cœpit ubique terrarum innovari, saluberrimis apostolorum doctrinis, imo magnitudine virtutum et excellentia signorum, quæ per eos mirum in modum operabatur divinæ gratia dispensationis. Quorum videlicet sonus, juxta vaticinantis præsagium regis, in omnem terram est diffusus: fines quoque orbis terræ verba eorum penetrasse profitetur omnis Christi fidelium cœtus. Hos taque summos, et electos cœlestis senatores aulæ, vestigio secuti insignes rectores Ecclesiæ, qui ob lucatum recti itineris ad superni palatium Regis, merito habiti sunt digni pontificum insigniri cognomine. Ita nimurum prælibatam Ecclesiam sibi a pa-

store patrum commissam, verbo decorare pariter et exemplo studuerunt, ut licet summi pontificii reverendo essent sublimati culmine, sibi tamen subditis eligerent prodesse potius quam præesse, aquissima eos regentes censura, et discreto moderamine. Verum si quando contra pravos subditorum mores zelus exigebat rectitudinis moveri illo quolibet fervore distinctionis: ita in mentibus illorum virtus custodiebatur mansuetudinis, cum terrore severitatis, ut et iram mansuetudo cœndiret discretionis, et eamdem mansuetudinem, ne forte dissolveretur, idem zelus accenderet discretionis. Hos igitur tam reverendæ vite Patres, tanquam admirabiles cœlestis disciplinæ censores, nos humiles filii sacro-sanctæ matris Ecclesiæ Cabilonensis imitari potissimum cupientes, ob id maxime, quoniam eadem nostræ sedis cathedra, jamdudum proprio pastore viduata, multa et innumera a mundanis potestatis patitur ad præsens infestationum probra: communī assensu et pari voto elegimus quendam ejusdem Ecclesiæ olim clericum et archidiaconum, nomine Walterium, ad culmen pontificii præstatæ scuis,

Christo Domino disponente, regendum, cuius jurisdictioni et jugo sui regimini nos, nostrumque locum tradimus disponendum, secundum canonum et inconvolsum totius Ecclesiæ privilegium. Est quippe, uti in promptu habetur, generosi stemmatis prosapia ortus, peritia non modo sacrarum litterarum, verum et mundanarum industria legum admodum eruditus, jejuniiis, vigiliis, et orationibus, ac cunctis misericordia insignitus, probatissima morum honestate præclarus, omnium virtutum matre discretione pulcherrime redimitus, luculentissimi etiam eloquii, et apprime disertus, quantum quoque humanæ fragilitas conditionis admittit, omni bonitate manet conspicuus. Igitur pro tot et tantis cœlestium charismatum donis, sibi superno munere collatis, Spiritus sancti cooperante gratia eligitur ad culmen officii pastoralis, non solum a nobis prælibata Ecclesiæ filii, verum etiam a diversæ conditionis plebe cohabitante intra et extra nostræ mœnia urbis, quam prosequitur etiam innumera populi multitudine adjacentium regionum, diversi sexus et ætatis. Qui omnes pariter intimis præcordiorum affectibus, et multiplicibus efflagitant votis, istius nostri electi personam, Jesu annuente Domino, sublimari infula pontificali Cabilonicae sedis. Plerique etiam illustres, et prænobiles ecclesiarum Dei reatores existunt quoque legitimi sautores istius nostræ electionis. Videlicet dominus Gibuinus archipresul eximius sacrosanctæ cathedralis Lugdunensis; dominus etiam Agano, antistes reverandus ecclesia Heduensis, una cum reverendis cœtibus, utrorumque regimini, Christi Domini gratia providente, commissis. Religiosus etiam presul D. Laudricus

A Ecclesiæ Maticensis, cum reverenda concione ejusdem cleri, annuit et favet multiplici favore, in laude istius canonice nostræ electionis sperans in Dei misericordia, sibi suæque Ecclesiæ subveniri in celebratione talis tantæque ordinationis. His siquidem eximiis iam fatis pontificibus, annexuntur illustres cœnobiorum patres, huic profecto electioni votis faventes omnibus: inter quos nimirum exstat dominus Hugo sacri cœnobii Cluniacensis abbas revera celeberrimus, simulque venerandus loci Trenorchiensis rector dominus Petrus, præsens quoque abbatæ B. Petri Cabilonicae urbis dominus Raynardus, una cum reverendis patrum utrorumque locorum concionibus, sub monasticæ tirocinio discipline in Christi nomine militantibus. Qui omnes procul dubio, toto annisu mentis idonei existunt auctores, et legitimi corroboratores totius electionis. S. Gausleni matris nostræ ecclesiae decani, S. Almarici Lingtonensis dec., S. Gotselmi archidiac., S. Hugonis Portensis, S. Engilberti, S. Gausredi, S. Landrici archipresb., S. Guillelmi, S. Petri, S. Caroli, S. Bernardi, S. Roberti, S. Lambertii, S. Hugonis, S. Letardi archipresbyterorum, S. W. Vernensis, et matris ejus Adelaidis, S. Valtherii Nebensis, S. Dalmasi de Giniaco, S. Bernardi de Porta, S. Gotseranni, et Idmari fratris ejus, S. Duranni archipresb., S. Ademari, S. Roberti, S. Jotsaldi. Acta est hæc ecclesiastica et generalis electio anno Incarnationis unigeniti Verbi 1080 præidente divina dispositione Romanæ sedi excellentissimo papa Gregorio: sceptra quoque moderante regni nobilissimo regum Philippo; consulatu Cabilonicae urbis tunc temporis manente absque terreno principe.

## WALTERII DIPLOMATA.

(Gall. Christ. nov., IV, Instrum., p. 231 seqq.)

### I.

*Charta Walterii Cabilonensis episcopi de acquisitione partis comitatus Cabilonensis a Saverico comite Cabilonensi.*

(Circa annum 1096.)

In nomine summæ et individuæ Trinitatis, Patris, et Filiæ, et Spiritus sancti, amen. Quoniam humanæ mentes erroris sui caligine nonnunquam veri notas amittunt, sed et hominum dicta vel facta vetustas ab humana memoria abolere solet, nihilque illiteratum in diuturna cognitione habetur; idcirco ego Walterius Cabilonensis Ecclesiæ episcopus conventionem, quam ego et canonici nostri cum Saverico Cabilonensi comite habuimus, litteris et memorie mandare [mandari] curavi. Notum ;sit igitur omnibus tam posteris quam præsentibus, quia, quo tempore Gaufridus de Dunziaco Hierosolymam tendere

D vellet, qui partem medianam comitatus Cabilonensis possidebat, quem cum Widone de Tyhæra [al. de Thies] partitus fuerat, partem suam comitatus supradicti [al. supradicto] domino Saverico avunculo suo vendere dispositus. Venit igitur ad nos Savericus cum uxore sua, rogans ut partem ipsius medietatis, quam emebat, ab se in vadio recipemus, et ipsum de pecunia quam solvebat, juvaremus. Nos autem ea inducti spe, ducentas uncias auri purissimi, quarum singulæ pretii quadraginta solidorum fuerant, de moneta, cuius media pars argentea erat, quam nos de tabula sancti Vincentii corrasimus, domino Saverico accommodavimus, et vadum, quod nobis offerebat, ab ipso recepimus, ea videlicet ratione, ut ecclesia sancti Vincentii reddituum tam justorum quam injustorum ad partem Gaufridi sive Saverici successoris sui pertinen'um medietatem in